

একাগ্রতা দ্বারা সর্বশক্তির প্রাপ্তি

আজ, সবাই তোমরা মিলন উদযাপনের একই শুদ্ধ সঙ্কল্পে স্থিত, তাই না ! একই সময়, একই সঙ্কল্প - একাগ্রতার এই শক্তি অতি শ্রেষ্ঠ । সংগঠনের এক সঙ্কল্পের একাগ্রতার এই শক্তি, তুমি যা চাও সেটাই অর্জন করতে তোমায় সমর্থ করে তোলে । যেখানে একাগ্রতার শক্তি আছে সেখানে সর্বশক্তি সাথে আছে, এইজন্য একাগ্রতাই সহজ সাফল্যের চাবি । এক শ্রেষ্ঠ আত্মারও একাগ্রতার শক্তি চমৎকার করে দেখাতে পারে, সুতরাং, একবার ভাবো, অনেক শ্রেষ্ঠ আত্মাদের একাগ্রতার সঙ্কল্প শক্তি সংগঠিত রূপে কি না অর্জন করতে পারে ! যেখানে একাগ্রতা, সেখানে শ্রেষ্ঠত্ব এবং স্পষ্টতা স্বতঃই থাকবে । যে কোনও নবীনত্বের ইনভেনশনের জন্য একাগ্রতা আবশ্যিক, সেটা লৌকিক দুনিয়ার ইনভেনশন হোক বা আধ্যাত্মিক ইনভেনশন, একাগ্রতা অর্থাৎ এক সঙ্কল্পে স্থির হওয়া । একের প্রতি ভালোবাসায় মগ্ন হওয়া । একাগ্রতা চারিদিকে উদ্দেশ্যহীনভাবে এদিক-ওদিকে ঘুরে বেড়ানো থেকে সহজেই রেহাই দেয় । যত সময় ধরে একাগ্রতার স্থিতিতে স্থিত হবে তোমরা ততটা সময়ই দেহ আর দেহের দুনিয়া সহজভাবে ভুলে যাবে, কারণ সেই সময়ের জন্য তোমার দুনিয়াই সেইরকম হয়ে যায়, যেখানে তুমি সম্পূর্ণভাবে সমাহিত হও । এইরকম একাগ্রতার শক্তির তুমি অনুভাবী হয়েছ ? একাগ্রতার শক্তি দ্বারা তোমরা যেকোনও আত্মার কাছে মেসেজ পৌঁছাতে পারো ; যেকোনও আত্মাকে আহ্বান করতে পারো । যেকোনও আত্মার আওয়াজ ক্যাচ করতে পারো । দূরে বসেও যেকোনও আত্মাকে সহযোগ দিতে পারো । এই একাগ্রতা সম্পর্কে তোমরা জানো, তাই না ? এক এবং একমাত্র বাবা ব্যতীত আর কোনও সঙ্কল্প হতে দিওনা । এক বাবার মধ্যে সারা সংসারের সর্বপ্রাপ্তি অনুভূত হতে হবে । শুধুই এক, আর কেবল এক ! পুরুষার্থ দ্বারা একাগ্র হওয়া, সেটা আলাদা স্টেজ । কিন্তু একাগ্রতায় সুস্থিত হওয়া, অতি শক্তিশালী স্টেজ । এইরকম শ্রেষ্ঠ স্থিতির এক সঙ্কল্পও বাবা সমান হওয়ার অনেক অনুভূতি করায় । এখন এই রূহানী শক্তির প্রয়োগ করে দেখ । এইজন্য তোমার একান্তের সাধন প্রয়োজন । এইরকম অভ্যাস হলে লাস্টে চতুর্দিকে হাঙ্গামা হতে থাকলেও যখন সবাই তোমরা ঐকের গভীরে হারিয়ে যাবে, তখন হাঙ্গামার মধ্যেও একান্তের অনুভব করবে । কিন্তু এই অভ্যাস অনেক সময় ধরে করার প্রয়োজন, তবেই চারিদিকের অনেক প্রকারের হাঙ্গামা হওয়া সত্ত্বেও তোমরা নিজেদের একান্তবাসী অনুভব করবে । বর্তমান সময় এইরকম গুপ্ত শক্তিদের দ্বারা অনুভাবীর প্রতিমূর্তি হওয়া অতি আবশ্যিক । সবাই তোমরা এখনও নিজেদের বিজি মনে করছো, কিন্তু এখন তবুও অনেক ফ্রি আছে । পরে তোমাদের আরও উন্নতির সাথে অধিকতর বিজি হয়ে যাবে । এইজন্য বিভিন্ন রকমের স্ব-অভ্যাস, স্ব-সাধনা এখন যথাসাধ্য চেষ্টা করো । চলতে ফিরতে যতটা সময়ই নিজের জন্য পাও সেটা উপযুক্ত বিধির অভ্যাসে সফল করতে থাকো । দিন দিন বাতাবরণ অনুযায়ী ইমার্জেন্সি কেসেস (cases) বেশি আসবে । এখন তোমরা পুরোপুরিভাবে আরামে তাদের ওষুধ দিয়ে সুস্থ করছো । পরে ইমার্জেন্সি সব কেসের কারণে তোমাদের কম সময়ে এবং অল্প পরিমাণ শক্তিতে আরো বেশি কেস করতে হবে । যখন তোমরা চ্যালেঞ্জ করছো যে বিশ্বের জন্য একটাই হাসপিটাল আছে সদা অবিনাশী নিরোগী হওয়ার, তখন চারিদিকের রোগীরা কোথায় যাবে । ইমার্জেন্সি কেসের লাইন হবে । সেই সময়ে তোমরা কি করবে ? অমর ভব র বরদান দেবে, তাই না ! স্ব-অভ্যাসের অক্সিজেন দ্বারা সাহসের শ্বাস দিতে হবে । অনেক হোপলেস কেস অর্থাৎ যারা চারিদিকের সবকিছুতে ভগ্নাৎসাহ হয়েছেন, তারাও আসবে । এইরকম হোপলেস আত্মাদের সাহস দিতে হবে, তাদেরকে এই সাহসের শ্বাসই দিতে হবে ।

তৎক্ষণাৎ তোমাদের অক্সিজেন দিতে হবে । সেই স্ব-অভ্যাসের আধারে এমন আত্মাদের তোমরা শক্তিশালী বানাতে পারবে ! সুতরাং ফুরসৎ নেই এটা ব'লোনা । ফুরসৎ থাকলে এখনই আছে, কিন্তু পরে আর তোমাদের সময় থাকবে না । লোককে যতই বলো যে তোমার সময় নেই, কিন্তু সময় করে নিতে হবে । তোমরা তাদের এটাই বলো, তাই না ! অতএব, স্ব-অভ্যাসের জন্য সময় পেলে তোমরা করবে, না । সময় বার করে নিতে হবে । স্থাপনার আদিকাল থেকে এক বিশেষ বিধি চলে আসছে । সেই বিধি কি ? বিন্দু বিন্দুতে সরোবর । সুতরাং, সময়ের জন্যেও এই বিধি গ্রহণ করতে হবে । যে সময়টুকুই তোমাদের আছে, এই অভ্যাসে সর্ব অভ্যাস স্বরূপ সাগর হয়ে যাবে । এমনকি যদি তুমি সেকেন্ড মাত্র সময়ও পাও, সেটাও অভ্যাসের জন্য জমা করতে থাকো । শুধু ভাবো সেকেন্ড সেকেন্ড করেই তুমি কতো জমা করে ফেলবে ! সেটা একত্র করলে অধঘন্টাও হতে পারে । চলতে-ফিরতে অভ্যাসীদের মতো হও । চাতক পাখি যেমন এক এক বিন্দুর জন্যেও তৃষ্ণার্ত থাকে । এইরকম স্ব-অভ্যাসী তোমরা, চাতক বিহঙ্গেরা, একেক সেকেন্ড এই অভ্যাস যদি ক্রমাগত চালিয়ে যাও তবে অভ্যাসস্বরূপ হয়ে যাবে ।

স্ব-অভ্যাসে অমনোযোগী হওয়া, কারণ অল্পে বিশেষ শক্তির অভ্যাস প্রয়োজন । সেই প্র্যাকটিক্যাল পেপার্সের ভিত্তিতেই নাস্তার নিতে যাচ্ছ, সেইজন্য ফাস্ট ডিভিশন নেওয়ার জন্য স্ব-অভ্যাস ফাস্ট করো । তাতেও একাগ্রতার শক্তির বিশেষ প্র্যাকটিস করতে থাকো । কোনস্থানে হযতো হাঙ্গামা হতে পারে, কিন্তু তোমরা অবশ্যই একাগ্র হও । সাইলেন্সের স্থানে বা পরিস্থিতিতে একাগ্র হওয়া, এতো সাধারণ ব্যাপার, কিন্তু চারিদিকের অস্থিরতার মধ্যে এক -এর মধ্যে হারিয়ে যাও অর্থাৎ একান্তবাসী হয়ে যাও । একান্ত হয়ে নিজে একাগ্রতায় স্থিত হওয়া, মহারথীদের মহান পুরুষার্থ । নতুন বাচ্চাদের জন্য এটা অতি সহজ বিধি । শুধু একই জিনিস স্মরণ করো এবং একই বিষয়ে সবাইকে শোনাও । তাহলে একটা বিষয় স্মরণ করা বা সবাইকে শোনানো কোনো কঠিন কিছু নয়, তাই না ! যদি অনেক বিষয় থাকে তো তোমরা ভুলে যাও, কিন্তু যদি একটা হয়, তাহলে ভুলবে না । শুধু নিরন্তর এক -এর মহিমা করতে থাকো, এক -এর গীত গাইতে থাকো এবং এক -এরই পরিচয় দিতে থাকো । এটা তো সহজ, নাকি এটাও কঠিন ! যেখানে এক সেখানে তোমাদের স্থিতি একরস হয়ে যায় । আর কি চাই তোমাদের ! একরস স্থিতিই তো চাই, তাই না ! সুতরাং, ব্যস, শুধু এক শব্দ স্মরণে রাখো । এক -এর গীত গাইতে হবে, এক'কে স্মরণ করতে হবে, কতো সহজ ! নতুন বাচ্চাদের জন্য বাবা শট্কাট রাস্তা দেখিয়ে দিচ্ছেন, যাতে তোমরা তাড়াতাড়ি পৌঁছাতে পারো । এটাই তো চাও, তাই না ! তোমরা এসেছ পরে, কিন্তু যেতে চাও আগে, সুতরাং শট্কাট রাস্তা । যদি তোমরা ক্রমাগত এই রাস্তায় চলতে থাকো তো আগে পৌঁছে যাবে । মাতারা চায় সবকিছু সহজ হবে, তাই না ! কারণ তোমাদের বহু বহু জন্মের অনেক ক্লান্তি, সেইজন্যই তোমরা সবকিছু সহজ চাও । লক্ষ্যহীনভাবে তোমরা কতো ঘুরেছ ! ৬৩ জন্ম তোমরা হারা উদ্দেশ্যে এদিক ওদিক ঘুরে বেড়িয়েছ । সহজ মার্গ আপন করে নিলে লক্ষ্যে পৌঁছেই যাবে । বুঝেছ তোমরা, আচ্ছা !

এখানে নতুনও বসে আছে আর মহারথীরাও বসে আছে । উভয়েই বাবার সামনে । সবচেয়ে বেশি কাছে গুজরাট, তাই না ! কাছের হওয়ার সাথে গুজরাটনিবাসী সহযোগীও বটে ! সহযোগিতার ক্ষেত্রে গুজরাটের নম্বর রাজস্থানের আগে । আবু রাজস্থানে । বাস্তবে রাজস্থান বেশি কাছে, তাই না ! যদি রাজস্থানের রাজারা আগ্রহ হন, তবে তাঁরা চমৎকার করতে পারেন । এখন তাঁরা গুপ্ত, কিন্তু পরে তাঁরা প্রত্যক্ষ হবেন । জানো তোমরা, গুজরাটের জন্ম কিভাবে হয়েছিল ? গুজরাটকে প্রথমে সহযোগ

দেওয়া হয়েছিল। সহযোগের জলে বীজ বোনা হয়েছিল। সুতরাং সহযোগের ফলই তো বেরোবে, তাই না ! ডাইরেক্ট বাবার থেকে সহযোগের জল পেয়েছিল গুজরাট। এইজন্য ফলও বেরোয় সহযোগের। বুঝেছ তোমরা ! তোমরা গুজরাটবাসী কতো ভাগ্যবান ! গুজরাটে বাপদাদা সেন্টার খুলেছেন। গুজরাট খোলেনি, এই কারণে না চাইতেও সহজেই সহযোগের ফল বেরোতেই থাকবে। তোমাদের মেহনত করতে হবে না। কোনো কার্যেই তোমাদের মেহনত করতে হবে না। ধরিদ্রী সহযোগের সেই ফল। আচ্ছা।

স্ব-অভ্যাসের সব চাতকদের, সদা একান্তবাসী, একাগ্রতার শক্তিশালী আত্মাদের, সদা স্ব-অভ্যাসের শক্তি দ্বারা যারা সবাইকে ভগ্নাংসাহ থেকে হৃদয়ে খুশি ভরিয়ে দেয়, সদা সর্বশক্তিকে প্র্যাকটিক্যালি প্রয়োগ করে, এমন শ্রেষ্ঠ স্ব-অভ্যাসকারী, স্বরাজ্য অধিকারী, শ্রেষ্ঠ মহাবীর আত্মাদের এবং নতুন বাচ্চাদের, সবাইকে বাপদাদার স্মরণ-স্নেহ এবং নমস্কার।

কেউ আসে আর কেউ যায়। এটা আসা যাওয়ার মেলা। বাপদাদা সব বাচ্চাদের দেখে খুশি হন। তোমরা নতুনই হও বা পুরানো, তোমরা ভাষা জানো বা না জানো, মুরলি বুঝতে পারো কি না পারো, কিন্তু তোমরা তো বাবারই। তবুও তো তোমরা ভালোবেসে এখানে পৌঁছে যাও। বাবা কিসের জন্য ক্ষুধার্ত ? ভালোবাসার। সাধারণ বোধের জন্য ক্ষুধার্ত নন। বাবা ভালোবাসা দেখেন - হৃদয়ের ভালোবাসা। যতটা তোমরা ভোলাভালা ততটাই প্রকৃত ভালোবাসা তোমাদের আছে, চাতুর্যপূর্ণ ভালোবাসা নয়, এইজন্য ভোলাভালা বাচ্চা সবচেয়ে প্রিয়। তাঁর যেমন নলেজফুল হওয়ার টাইটেল আছে তেমনই ভোলানাথ টাইটেলও আছে। উভয়েরই স্মৃতিচিহ্ন আছে। নতুন বাচ্চাদের স্নেহপূর্ণ উপলব্ধি খুব ভালো। আচ্ছা -

পাটির সাথে অব্যক্ত বাপদাদার পার্সোনাল সাক্ষাৎকার

১) সদা নিজেকে ডবল লাইট ফরিস্তা মনে করো ? ফরিস্তা অর্থাৎ ডবল লাইট। তোমাদের যত হালকাভাব হবে ততই নিজেকে ফরিস্তা অনুভব করবে। ফরিস্তা সদা ঝকমক করবে, ঝকমক করার কারণ সবাইকে নিজের দিকে স্বতঃ আকৃষ্ট করে। এইরকম ফরিস্তার দেহ এবং দেহের দুনিয়ার সাথে কোনো সম্পর্ক নেই। সেবার্থে তারা শরীরে থাকে, তাদের সম্পর্কের আধারে নয়। ফরিস্তা তাদের দেহগত সম্পর্কের আধারে থাকেনা, কিন্তু সেবার সস্বন্ধ অনুযায়ী থাকে। সস্বন্ধ সম্পর্কে ভেবে তারা প্রবৃত্তিতে থাকেনা, বরং এটাই তাদের সেবা মনে করে থাকে। সেই একই ঘর, একই পরিবার কিন্তু সেবার সস্বন্ধ। তারা কর্মবন্ধনের বশীভূত হয়ে থাকেনা। সেবার সস্বন্ধে 'কি' 'কেন'র প্রশ্ন থাকেনা। যেকোন ধরনের আত্মাই হোক, সেবার সস্বন্ধ প্রিয় হয়। যেখানেই দেহ সেখানেই বিকার। দেহের সস্বন্ধ থেকে বিকার আসে, যদি দেহের সস্বন্ধ না থাকে তবে বিকারও থাকেনা। যেকোনও আত্মাকে সেবার সস্বন্ধে যদি দেখ তো বিকারের উৎপত্তি হবেনা। এইরকম ফরিস্তা হয়ে থাকো, আত্মীয়-পরিজন হয়ে নয়। যেখানে সেবার ভাব থাকে সেখানে সদা শুভ ভাবনা থাকে, অন্য কোনো ভাব নয়। একেই বলা হয়ে থাকে, অতি ন্যারা এবং অতি প্রিয়, কমলসম। সকল পুরুষের থেকে উত্তম ফরিস্তা হও, তবেই দেবতা হবে।

২) তোমরা সব বেগমপুরের বাদশাহ, নিজেদের সমস্ত রকম দুঃখের উর্ধ্বে সুখ-সংসারের অনুভাবী মনে করে চলো ? প্রথমে দুঃখের সংসারের অনুভাবী ছিলে, এখন দুঃখের সংসার থেকে বেরিয়ে সুখের সংসারের অনুভাবী হয়ে গেছ। সুখের এক মন্ত্র পাওয়ায় তোমাদের এখন দুঃখ সমাপ্ত হয়েছে।

সুখদাতার সুখস্বরূপ আত্মা তোমরা, সুখের সাগর বাবার বাচ্চা । এই মন্ত্র তোমাদের দেওয়া হয়েছে । যখন মন বাবার প্রতি নিবদ্ধ, দুঃখ কিভাবে হবে ? মন যখন বাবাকে ছাড়া অন্য কোথাও নিবদ্ধ হয় তখনই মনের দুঃখ হয় । যদি তোমরা মন্বনাভব হও তো দুঃখ হতে পারে না । সুতরাং, তোমাদের মন বাবার দিকে নাকি আর অন্য কোথাও আছে ? যখন তোমাদের মন ভুল পথে চালিত হয় তখনই দুঃখ হয় । যখন সোজা রাস্তা আছে, তখন উল্টো পথে কেন যাও ? যে রাস্তায় যাওয়ায় নিষেধাজ্ঞা আছে, সেই রাস্তায় কেউ গেলে গভর্নমেন্টও জরিমানা ধার্য করে, তাই না ! রাস্তা যখন বন্ধই করে দেওয়া হয়েছে তবে কেন যাও সেখানে ? তোমরাই বলা, তন তোমার, মনও তোমার, ধনও তোমার, আমার বলে কিছুই নেই তবে দুঃখ সেখানে কিভাবে আসবে ? যদি প্রকৃতভাবেই তোমার তবে সেখানে দুঃখ নেই, যদি হয় আমার তবে দুঃখ আছে । তোমার তোমার বলতে বলতে তোমার হয়ে যায় ।

৩) সদা একবল, এক ভরসা স্থিতিতে থাকো তোমরা ? এক -এর ওপর ভরসা অর্থাৎ বলের প্রাপ্তি । এমন অনুভব করো ? নিশ্চয়বুদ্ধি বিজয়ী , অন্য শব্দে বলা হয়, এক বল, এক ভরসা । নিশ্চয়বুদ্ধির বিজয় হবেনা, এমন হতেই পারেনা । যদি তোমার নিজের মধ্যে হবে কি হবে না'র সামান্যতম সংশয়ও থাকে , তবে বিজয়ও হবেনা । বিজয় প্রাপ্ত হবেনা, এমন কখনোই হতে পারেনা', যদি নিজের , বাবার এবং ড্রামার প্রতি সম্পূর্ণ নিশ্চয় থাকে । যদি বিজয় না হয়, তবে কোনো না কোনো পয়েন্টে অবশ্যই নিশ্চয়ের অভাব আছে । যদি বাবার প্রতি নিশ্চয় থাকে তাহলে তোমার নিজের প্রতিও নিশ্চয় আছে । তোমরা যে মাস্টার, তাই না ! যখন তোমরা মাস্টার সর্বশক্তিমান অথরিটি তখন তো ড্রামার সবকিছু নিশ্চয়বুদ্ধি হয়ে দেখবে । এইরকম নিশ্চয়বুদ্ধি বাচ্চাদের ভিতরে সদা এই উৎসাহ থাকবে, আমার বিজয় তো হয়েই আছে । এমন বিজয়ীই বিজয় মালার দানা হয় । বিজয় তাদের উত্তরাধিকার । তোমাদের জন্ম-সিদ্ধ অধিকার হিসেবে তোমরা এই উত্তরাধিকার লাভ করো ।

মাতাদের সাথে সাক্ষাৎকার: -

বাপদাদাও সদাই মাতাদের নমস্কার জানান, কারণ তোমরা মাতারাই সেবাতে সদা প্রথম পদক্ষেপ করো । বাপদাদা মাতাদের গুণগান করেন । তোমরা কতো শ্রেষ্ঠ মাতা হয়ে গেছ, যা দেখে বাপদাদাও পুলকিত হন । ব্যস্ ! শুধু এই ভাগ্যকে স্মৃতিতে রেখে সদা খুশি থাকো । মনে খুশির গীত সদা বেজে চলুক, মাতাদের আর কি কাজই বা করতে হবে ! তোমরা ব্রাহ্মণ হয়েছ, শুধু গাইতে আর নাচতে হবে । মন থেকে নাচো আর মন থেকে গীত গাও । একেক জগৎ মাতা একেক দীপ প্রজ্জ্বলিত করলে কতো দীপ জ্বলে উঠবে ! জগতের মাতারা জগৎ জ্যোতির প্রজ্জ্বলন করছ, তাই না ! দীপ জ্বলতে জ্বলতে দীপমালায় পরিণত হয়েই যাবে । আচ্ছা ।

প্রশ্ন: - সেবার সহজ সাধন, সবাইকে আকৃষ্ট করার সহজ সাধন বা পুরুষার্থ কি ?

উত্তর: - উৎফুল্ল চেহারা । যারা সদা উৎফুল থাকে তারা স্বতঃই সবাইকে আকৃষ্ট করে এবং সহজেই সেবার নিমিত্ত হয়ে যায় । মনের উল্লাস খুশির লক্ষণ । যখন লোকে খুশির চেহারা দেখে, তারা নিজে থেকেই জিজ্ঞাসা করে, তোমাদের কিসের প্রাপ্তি হয়েছে ! কিসের সন্ধান পেয়েছ তোমরা ! সুতরাং, তোমরা সদা খুশিতে থাকো, তোমরা কি ছিলে আর কি হয়েছ, এতেই সেবা হতে থাকবে ।

প্রশ্ন: - তিলকের অর্থ কি ? কোন তিলক ধারণ করলে সদা নেশাতে আর খুশিতে থাকবে ?

উত্তর: - তিলকের অর্থ স্মৃতিস্বরূপ । সুতরাং সদা স্মৃতিতে যেন থাকে যে আমরা সিংহাসনাসীন । আমরা সেই হারানিধি আত্মা যারা পরমাত্ম - সিংহাসনের অধিকারী হয়েছি । এই তিলক ধারণ করলে সদা খুশি আর নেশায় থাকবো । এমনিতে বলা হয়ে থাকে, সিংহাসন এবং সৌভাগ্য । তোমাদের তথ্যতাসীন হওয়ার সময় অর্থাৎ সৌভাগ্য হয়েছে । সুতরাং তোমরা সদা শ্রেষ্ঠ এবং সৌভাগ্য প্রাপ্ত আত্মা, এই নেশা আর খুশি যেন সদা থাকে ।

বরদান: - স্মরণ আর সেবা দ্বারা সমস্ত পরিভ্রমণ সমাপ্ত করে অগ্নিতে নিজেকে সমর্পণ করে প্রকৃত বহি-পতঙ্গ ভব

যে বাচ্চারা স্মরণ আর সেবায় সদা বিজি থাকে, তারা সব রকম আবর্তন থেকে মুক্ত হয়ে যায় । যদি কোনও চক্র বাকি থেকে যায় তাহলে তোমরা চক্করই লাগাতে থাকবে । কখনো সঙ্কল্পের চক্কর, কখনো স্বভাব-সংস্কারের চক্কর, এইরকম ব্যর্থের সব আবর্তন সমাপ্ত তখনই হবে যখন বুদ্ধিতে অগ্নি ব্যতীত অন্য কিছুই থাকবে না । অগ্নিতে যারা সমর্পিত হয়, তারা অগ্নিসম হয়ে যায় । এইভাবে যারা নিজেদের সমর্পণ করে দেয় তারাই প্রকৃত বহি-পতঙ্গ ।

শ্লোগান: - যারা প্রকৃত পারস অর্থাৎ পরশ-মণি হয়েছে, তাদের সঙ্গে লোহা সদৃশ আত্মারাও সোনা হয়ে যায় ।